

**ЎЗБЕКИСТОН РЕСПУБЛИКАСИ  
ПРЕЗИДЕНТИНИНГ  
ФАРМОНИ  
15.05.2019 й.  
N ПФ-5719**

Хужжатнинг рус тилидаги  
матнига қаранг

**НАВОЙ ВИЛОЯТИНИ ИННОВАЦИОН,  
ЮҚОРИ ТЕХНОЛОГИЯЛАРГА АСОСЛАНГАН,  
ЭКСПОРТГА ЙЎНАЛТИРИЛГАН ВА ИМПОРТ  
ЎРНИНИ БОСАДИГАН ИШЛАБ ЧИҚАРИШЛАР  
УЧУН ЭРКИН ИҚТИСОДИЙ ЗОНА СИФАТИДА  
БЕЛГИЛАШ ЧОРА-ТАДБИРЛАРИ ТЎҒРИСИДА**

1-илова. Навоий вилояти худудида инновацион, юқори технологияларга асосланган, экспортга йўналтирилган ва импорт ўрнини босадиган ишлаб чиқаришлар учун эркин иқтисодий зона ташкил этиш бўйича комиссия таркиби

2-илова. "Навоий" ЭИЗнинг ишлаб чиқариш, муҳандислик-коммуникация ва транспорт инфратузилмасини ривожлантириш бўйича чора-тадбирлар режаси

3-илова. Ўзбекистон Республикаси Президентининг айрим хужжатларига киритилаётган ўзгартириш ва қўшимчалар

Бизнес юритиш учун қулай шарт-шароитлар яратиш, инновацион тадбиркорлик ва юқори технологияларга асосланган саноатни ривожлантириш, шунингдек, Навоий вилояти худудида минерал хом ашё ресурсларини чукур қайта ишлаш ҳамда ички ва ташқи бозорларда ракобатбардош маҳсулотларни ишлаб чиқариш бўйича қўшимча қувватларни ташкил этиш мақсадида:

1. Навоий вилояти худуди кейинчалик белгиланган тартибда муддатини узайтириш имконияти билан 2030 йил 1 январга қадар инновацион, юқори технологияларга асосланган, экспортга йўналтирилган ва импорт ўрнини босадиган ишлаб чиқаришлар учун эркин иқтисодий зона этиб белгилансин.

**2. Белгилансинки:**

Навоий вилоятининг худудий чегаралари ичida инновацион, юқори технологияларга асосланган, экспортга йўналтирилган ва импорт ўрнини босадиган ишлаб чиқаришларни ташкил этиш бўйича инвестиция дастурларини амалга ошираётган корхоналарга, худудда мавжуд бўлган ёки енгил барпо этиладиган инфратузилмаларда ишлаб чиқаришларни ихчам жойлаштирган ҳолда "Навоий" эркин иқтисодий зонаси (кейинги ўринларда - "Навоий" ЭИЗ) иштирокчиси мақоми берилади;

ўз зиммасига олган инвестиция мажбуриятларини бажармаган тақдирда, "Навоий" ЭИЗ иштирокчилари билан инвестиция битимларни бекор қилиш, тўхтатиб туриш ва уларни "Навоий" ЭИЗ иштирокчиси мақомидан маҳрум этиш фақатгина суд тартибида амалга оширилади.

3. Навоий вилоятидаги Эркин иқтисодий ва кичик саноат зоналари маъмурий кенгашига инновацион, юқори технологияларга асосланган, экспортга йўналтирилган ва импорт ўрнини босадиган ишлаб чиқаришлар сифатидаги янгидан амалга ошириладиган инвестиция лойиҳаларини ҳамда "Навоий" ЭИЗ дирекциясининг ижобий хуносаси мавжуд бўлганда, уларга "Навоий" ЭИЗ иштирокчиси мақомини тақдим этишни мустакил равишда белгилаш хукуқи берилсин.

4. Навоий вилояти ҳокимлиги Ўзбекистон Республикаси Инновацион ривожланиш вазирлиги, Иқтисодиёт ва саноат вазирлиги, Инвестициялар ва ташқи савдо вазирлиги, Молия вазирлиги ҳамда Навоий вилоятидаги Эркин иқтисодий зоналар ва кичик саноат зоналар маъмурий кенгаши билан биргаликда бир ой муддатда инновацион, юқори технологияларга асосланган, экспортга йўналтирилган ва импорт ўрнини босадиган ишлаб чиқаришларни белгилаш, шунингдек, "Навоий" ЭИЗ иштирокчиси мақомини бериш учун инновация лойиҳаларини танлаб олиш ҳамда унинг қатнашчиларини рўйхатга олишнинг соддалаштирилган тартибини ишлаб чиқсан ва тасдиқласин.

5. Эркин иқтисодий зона сифатида Навоий вилоятини ривожлантиришнинг асосий йўналишлари этиб қўйидагилар белгилансин:

инновацион фаолиятни ривожлантириш, шунингдек, илғор тажрибани жорий этиш ҳамда юқори технологияларга асосланган ишлаб чиқаришларни ташкил этиш;

юқори қўшилган қийматга эга экспортбоп ва импорт ўрнини босадиган маҳсулотларни ишлаб чиқариш бўйича замонавий ишлаб чиқаришларни барпо этиш учун тўғридан-тўғри инвестицияларни жалб қилиш;

Навоий вилоятининг ишлаб чиқариш ва ресурс салоҳиятидан комплекс ва самарали фойдаланишни таъминлаш;

кимё маҳсулотлари ва замонавий қурилиш материаллари ишлаб чиқариш, табиий тошларни қайта ишлаш ҳамда маҳаллий хом ашё ва материаллар негизида саноатнинг бошқа йўналишлари бўйича кластерлар яратиш;

қимматбаҳо тошлар ва металларни қайta ишлаш соҳасида янги замонавий ишлаб чиқаришларни ташкил этиш, шунингдек, заргарлик маҳсулотларини ишлаб чиқариш соҳасига инновацион технологияларни жорий қилиш;

вилоят корхоналари ўртасида саноат кооперациясини ривожлантириш орқали юқори технологияларга асосланган ишлаб чиқаришларни маҳаллийлаштириш жараёнларини чукурлаштириш;

вилоятнинг, биринчи навбатда туман марказлари ва йирик аҳоли пунктларининг транспорт, муҳандислик-коммуникация инфратузилмасини ривожлантириш, шунингдек, вилоят худудида йирик логистика марказини ташкил этиш;

ҳудуд иқтисодиётининг ихтисослашган кадрларга бўлган жорий ва истиқболдаги эҳтиёжидан келиб чиқиб юқори малакали мутахассисларни тайёлаш.

6. Навоий вилояти ҳудудида инновацион, юқори технологияларга асосланган, экспортга йўналтирилган ва импорт ўрнини босадиган ишлаб чиқаришлар учун эркин иқтисодий зона ташкил этиш бўйича комиссия таркиби 1-иловага мувофиқ тасдиқлансин,

унга Навоий вилоятини комплекс ривожлантириш ҳамда унинг худудида инновацион, юқори технологияларга асосланган, экспортга йўналтирилган ва импорт ўрнини босадиган ишлаб чиқаришларни ташкил этиш бўйича ишларни мувофиқлаштириш масъулияти юклансин.

7. "Навоий" ЭИЗ иштирокчиси мақомини олган Навоий вилоятидаги корхоналар: ер солиғи, даромад солиғи, юридик шахслардан олинадиган мулк солиғи, микрофирмалар ва кичик корхоналар учун белгиланган ягона солиқ тўловидан;

бўшаб қоладиган маблағларни янги корхоналарни ташкил этиш, шунингдек, мавжуд ишлаб чиқаришларни модернизациялаш, реконструкция қилиш ва техник, технологик қайта жиҳозлаш, кенгайтириш, ишлаб чиқариш биноларини қуриш, ўз ишлаб чиқариш эҳтиёжлари учун зарур хом ашё ва материаллар харид қилишга мақсадли йўналтирган ҳолда ўз ишлаб чиқариш эҳтиёжлари учун олиб кириладиган ускуналар, хом ашё, материаллар ҳамда бутловчи буюмлар, маҳсулот экспорт қилинганда вужудга келадиган қўшилган қиймат солигининг манфий суммаси қайтарилмаслиги ҳукуқи билан божхона тўловларидан (божхона расмийлаштируви йифимларидан ташқари);

республикада ишлаб чиқарилмайдиган ҳамда белгиланган тартибда шакллантириладиган рўйхатлар бўйича лойиҳаларни амалга ошириш доирасида олиб кириладиган қурилиш материаллари божхона тўловларидан (божхона расмийлаштируви йифимларидан ташқари) озод этилсин.

Белгилансинки, мазкур бандда кўрсатилган, божхона имтиёzlари кўлланилган ҳолда олиб кирилган ускуналар, хом ашё, материаллар ва бутловчи буюмлар уларни олиб кирилган кундан бошлаб уч йил мобайнода реализация қилинадиган ёки бепул ўзгага топшириладиган ҳолатларда, божхона тўловлари қонун ҳужжатларида белгиланган тартибда тўлиқ ҳажмда ундириб олинади.

#### 8. Маълумот учун қабул қилинсинки:

а) ушбу Фармоннинг 7-бандида назарда тутилган имтиёzlар киритилган инвестицияларнинг ҳажмига қараб 3 йилдан 10 йил муддатгача, шу жумладан, эквиваленти:

300 минг АҚШ долларидан 3 миллион АҚШ долларигача ҳажмдаги инвестициялар - 3 йил муддатга;

3 миллион АҚШ долларидан 5 миллион АҚШ долларигача ҳажмдаги инвестициялар - 5 йил муддатга;

5 миллион АҚШ долларидан 10 миллион АҚШ долларигача ҳажмдаги инвестициялар - 7 йил муддатга;

10 миллион АҚШ доллари ва ундан кўп ҳажмдаги инвестициялар кейинги 5 йил давомида даромад солиғи ва ягона солиқ тўловининг амалдаги ставкаларини 50 фоиз ҳажмда кўлланган ҳолда - 10 йил муддатга берилади;

б) "Навоий" ЭИЗ иштирокчиси мақомини олган хўжалик юритувчи субъектларга экспорт ва импорт қилинадиган товарлар учун ҳақ тўлаш ва ҳисоб-китобларнинг ўзи учун кулаги шарт ва шаклларидан фойдаланишига руҳсат этилади;

в) "Навоий" ЭИЗ иштирокчиси мақомини олган хўжалик юритувчи субъектларга нисбатан солиқ тўловчининг ҳолатини ёмонлаштирадиган Ўзбекистон Республикасининг солиқ қонунчилиги ҳужжатлари қўлланилмайди, акциз солигига тортиладиган товарларга солиқ солишни тартибга солувчи ҳужжатлар бундан мустасно;

г) 2019 йил 1 июндан бошлаб хорижий инвестициялар иштирокидаги корхоналарнинг таъсисчилари - "Навоий" ЭИЗ катнашчилари ва уларнинг оила аъзоларига

республика худудидан чиқмасдан узайтириш имконияти билан, амал қилиш муддати уч йилгача бўлган "инвестиция визаси" берилади.

9. Ўзбекистон Республикаси Давлат активларини бошқариш агентлиги Навоий вилояти ҳокимлиги билан биргалиқда бир ой муддатда:

"Навоий" эркин иқтисодий зонаси дирекцияси" давлат унитар корхонасини "Навоий" эркин иқтисодий зонаси дирекцияси" акциядорлик жамиятига (кейинги ўринларда - "Навоий" ЭИЗ дирекцияси" АЖ) айлантиrsин;

"Навоий" ЭИЗ дирекцияси" АЖ тузилмасида Экспортни қўллаб-қувватлаш марказини ташкил қилсин ҳамда "Навоий" ЭИЗ қатнашчиларига маслаҳат, воситачилик хизматларини кўрсатиш, уларнинг Ўзбекистон Республикаси ва хориждаги кўргазма ва ишбилармонлик тадбирларида иштирокини ташкил қилиш, иштирокчининг буортмасига кўра тижорат асосида маркетинг тадқиқотларини ўtkазиш орқали уларга маҳсулотлар экспортида кўмаклашиш Марказнинг асосий вазифаси ва фаолият йўналиши этиб белгилансин.

10. "Навоий" ЭИЗ дирекцияси" АЖ эркин иқтисодий зоналар фаолиятининг бутун даврида солиқлар тўлашдан озод этилсин.

11. Белгилаб қўйилсинки:

"Навоий" ЭИЗ дирекцияси" АЖнинг дастлабки устав капитали қайта ташкил этилаётган "Навоий" эркин иқтисодий зонаси дирекцияси" ДУКнинг мулклари ҳисобига шакллантирилади;

"Навоий" ЭИЗ худудида жойлашган муҳандислик-коммуникация тармоқларига хизмат кўрсатиш "Навоий" ЭИЗ дирекцияси" АЖ буортманомаларига биноан вазирликлар ва идораларнинг тегишли худудий бўлинмалари томонидан амалга оширилади;

"Навоий" ЭИЗ дирекцияси" АЖ "Навоий" эркин иқтисодий зонаси дирекцияси" ДУКнинг хукуқлари ва мажбуриятлари бўйича вориси ҳисобланади;

"Навоий" ЭИЗ дирекцияси" АЖнинг устав капиталида давлат номидан акциядорлик функцияси Ўзбекистон Республикаси Давлат активларини бошқариш агентлиги томонидан амалга оширилади;

"Навоий" ЭИЗ худудида бинолар қуриш "Навоий" ЭИЗ дирекцияси" АЖ томонидан ўз маблағлари ва/ёки хусусий инвесторлар маблағлари ҳисобига амалга оширилиши мумкин ҳамда кейинчалик ушбу бино ва иншоотлар тадбиркорлик субъектларига узок муддатли ижарага ёки сотиб олиш учун тақдим этилади;

"Навоий" ЭИЗ дирекцияси" АЖ ўзига берилган ваколатлар доирасида Навоий вилояти худудида жойлашган давлат ихтиёридаги кўчмас мулк объектларини бошқаради ҳамда Навоий вилоятидаги Эркин иқтисодий ва кичик саноат зоналари маъмурий кенгashi билан келишган ҳолда Навоий вилояти худудида инвестиция лойиҳаларини амалга ошириш учун умумий майдони 5000 метр квадратдан кўп бўлмаган, фойдаланилмаётган давлат мулки объектларини (Ўзбекистон Республикаси Президентининг 2017 йил 16 июндаги "Давлат мулки объектларини сотиш тартиб-таомилларини янада такомиллаштириш чора-тадбирлари тўғрисида"ги ПҚ-3067-сон қарорининг 1 ва 2-иловаларида кўрсатилган объектлардан ташқари) "Навоий" ЭИЗ иштирокчиларига тақдим этади;

"Навоий" ЭИЗ иштирокчилари учун барча, шу жумладан, лицензиялаш ва рухсатномалар олиш бўйича давлат хизматлари "Навоий" ЭИЗ дирекцияси" АЖ ва/ёки

Ўзбекистон Республикаси Адлия вазирлиги хузуридаги Давлат хизматлари агентлиги томонидан "ягона дарча" тамоилии асосида тақдим этилади.

12. Куйидагилар "Навоий" ЭИЗ дирекцияси" АЖ фаолиятини молиялаштириш манбалари этиб белгилансин:

ЭИЗ иштирокчиларини рўйхатдан ўтказганлик учун бир марталик тўловлар; тасарруфидан бўлган ер участкалари, бинолар ва иншоотларни ижарага беришдан тушган тушумлар;

"Навоий" ЭИЗ дирекцияси" АЖ томонидан кўрсатиладиган хизматлар, шу жумладан, маркетинг, консалтинг, логистика, меҳмонхона, таълим ва кадрлар билан боғлиқ хизматларни реализация қилишдан тушган тушумлар;

мақсадли бюджет ажратмалари;  
хорижий ва халқаро ташкилотларнинг грантлари;  
жисмоний ва юридик шахсларнинг хайрия маблағлари;  
қонун хужжатлари билан тақиқланмаган бошқа манбалар.

13. Ўзбекистон Республикаси Давлат активларини бошқариш агентлиги "Навоий" ЭИЗ дирекцияси" АЖ билан биргаликда:

а) белгилangan тартибда "Навоий" ЭИЗ дирекцияси" АЖнинг тузилмаси тасдиқланиши, таъсис хужжатлари, эмиссия рисоласининг рўйхатдан ўтказилиши, шунингдек, унинг органлари, шу жумладан, янги ташкил этилаётган Экспортни қўллаб-кувватлаш марказини инобатга олган ҳолда шакллантирилишини;

б) икки ҳафта муддатда Ўзбекистон Республикаси Инвестициялар ва ташқи савдо вазирлиги билан биргаликда:

"Навоий" ЭИЗ худудида янги корхоналарни жойлаштириш бўйича "Навоий" ЭИЗ дирекцияси" АЖ билан иштирокчilar ўртасида тузиладиган намунавий инвестиция келишуви;

"Навоий" ЭИЗ дирекцияси" АЖ томонидан "Навоий" ЭИЗ иштирокчиларига хизматлар кўрсатиш бўйича намунавий шартнома ишлаб чиқилиши ва тасдиқланишини таъминласин.

14. "Навоий" ЭИЗнинг ишлаб чиқариш, муҳандислик-коммуникация ва транспорт инфратузилмасини ривожлантириш бўйича чора-тадбирлар режаси 2-иловага мувофиқ тасдиқлансин.

15. Ўзбекистон Республикаси Инвестициялар ва ташқи савдо вазирлиги Молия вазирлиги, Иқтисодиёт ва саноат вазирлиги ҳамда бошқа манфаатдор вазирликлар ва идоралар билан биргаликда ҳар йили Ўзбекистон Республикасини ривожлантириш давлат дастурларини келгуси йил учун шакллантиришда "Навоий" ЭИЗнинг транспорт ва муҳандислик-коммуникация инфратузилмасини ривожлантириш учун марказлаштирилган молиялаштириш манбалари ҳисобидан капитал қўйилмалар лимитларини назарда тутсин.

16. Навоий вилояти ҳокимлиги:

Ўзбекистон Республикаси Ер ресурслари, геодезия, картография ва давлат кадастри давлат қўмитаси, Қурилиш вазирлиги, Давлат активларини бошқариш агентлиги билан биргаликда 2019 йил 1 июнга қадар инвестиция лойиҳаларини амалга ошириш мақсадида Навоий вилоятидаги қишлоқ хўжалигига мўлжалланмаган фойдаланилмаётган ер

участкалари, фойдаланилмаётган ва бўш турган давлат мулки обьектларини хатловдан ўтказсин;

Ўзбекистон Республикаси Иқтисодиёт ва саноат вазирлиги, Инвестициялар ва ташқи савдо вазирлиги, Уй-жой коммунал хизмат кўрсатиш вазирлиги, Энергетика вазирлиги, Транспорт вазирлиги ва Молия вазирлиги билан биргаликда 2019 йил 1 сентябрга қадар Навоий вилоятидаги ҳар бир туман марказлари, йирик аҳоли пунктларининг транспорт тизими ва муҳандислик-коммуникация инфратузилмасини янада ривожлантириш бўйича чора-тадбирлар дастурини Вазирлар Маҳкамасига киритсин.

17. Ўзбекистон Республикаси Инновацион ривожланиш вазирлиги Инвестициялар ва ташқи савдо вазирлиги билан биргаликда икки ой муддатда:

а) 2019-2021 йилларда Навоий вилоятида инновацион фаолиятни ривожлантириш дастурини ишлаб чиқсин ва тасдиқлаш учун Ўзбекистон Республикаси Вазирлар Маҳкамасига киритсин;

б) 2019-2020 йилларда Навоий вилояти худудида амалга оширилиши таклиф этилаётган инновацион ва юқори технологияли лойиҳалар рўйхатини ишлаб чиқсин ва тасдиқлаш учун Ўзбекистон Республикаси Вазирлар Маҳкамасига киритсин;

в) Олий ва ўрта маҳсус таълим вазирлиги, "Навоий кон-металлургия комбинати" давлат корхонаси билан биргаликда Навоий вилоятида Инновацион технологияларни жорий этиш маркази фаолиятини ташкил этиш бўйича Ўзбекистон Республикаси Вазирлар Маҳкамасига таклиф киритсин, қуйидагилар ушбу марказнинг асосий вазифалари этиб белгилансин:

халқаро даражада патентлаш имкониятига эга бўлган илмий ҳажмдор ва илғор технологияли ишланмаларни яратиш, янги инновацион маҳсулотларнинг намуналарини моделлаштириш, макетлаштириш, тайёрлашда иштирок этиш ва замонавий лаборатория ускуналаридан фойдаланган ҳолда уларни синовдан ўтказиш;

юқори технологияли инновацион ишлаб чиқаришларни ташкил қилиш учун янги истиқболи ғоялар ва инновацион илмий ҳажмдор ишланмаларни шакллантириш ҳамда илмий фаолият натижаларини ишлаб чиқаришга татбиқ этиш;

худудда инновацион экотизим, шу жумладан, бизнес акселераторлар, стартаплар ва кичик инновацион корхоналарни ташкил этиш;

ҳамкорликда илмий тадқиқотларни бажариш учун академик, олий таълим ва тармоқ фанлари билан самарали ҳамкорликни таъминлаш.

18. Ўзбекистон Республикаси Ташқи ишлар вазирлиги:

"Навоий" ЭИЗ дирекцияси" АЖ буюртманомаларига биноан "Навоий" ЭИЗ иштирокчилари бўлган корхоналарнинг хорижий ходимларига ҳамда уларнинг оила аъзоларига кириш, шу жумладан, кўп марталик визаларни консуллик ва бошқа йиғимларни ундирамасдан белгиланган тартибда расмийлаштиришни таъминласин;

Ўзбекистон Республикасининг хориждаги дипломатик ваколатхоналари билан биргаликда салоҳиятли хорижий инвесторларни жалб қилиш учун яратилган шароитлар ва имкониятлар, ҳудуднинг ва мавжуд минерал-хом ашё ресурслар салоҳиятини халқаро ишбилармон доираларда доимий равишда кенг ёритилишини (тақдимотини) таъминласин;

Ўзбекистон Республикаси Инвестициялар ва ташқи савдо вазирлиги, Ўзбекистон Миллий телерадиокомпанияси, Ўзбекистон Миллий ахборот агентлиги, "Дунё" ахборот агентлиги ва бошқа оммавий ахборот воситалари билан биргаликда мазкур Фармоннинг моҳияти ва мақсадларини хорижий ҳамкорлар ва инвесторларга етказиш чора-тадбирларини кўрсинг.

19. Ўзбекистон Республикаси Ички ишлар вазирлиги "Навоий" ЭИЗ дирекцияси" АЖнинг буюртманомаларига биноан "Навоий" ЭИЗ иштирокчилари бўлган корхоналарнинг хорижий ходимларига ҳамда уларнинг оила аъзоларига давлат божини ундириласдан вақтинчалик турар жойи бўйича прописка қилиш ва узайтириши таъминласин.

20. Вазирлар Махкамаси икки ҳафта муддатда эркин иқтисодий зоналар худудида лойиҳаларни шакллантириш ва амалга оширишнинг барча жиҳатларини тартибга солувчи норматив-хукуқий хужжатнинг ишлаб чиқилишини якунласин, унда қуйидагилар назарда тутилсин:

эркин иқтисодий зоналарнинг ихтисослашуви, инвестиция лойиҳаларини танлашнинг аниқ мезонларини белгилаш;

инвесторларни жалб қилиш учун эркин иқтисодий зоналарни муҳандислик-транспорт инфратузилмаси, ижтимоий-маишӣ ва маданий-жамоат обьектлари билан таъминлаган ҳолда зарур шароитлар яратиш механизmlарини;

эркин иқтисодий зоналарни бошқариш тизимини, шу жумладан, дирекциялар фаолиятини ташкил этишнинг ягона стандартларини белгилаш, кўрсатилаётган хизматлар рўйхатини кенгайтириш ҳамда эркин иқтисодий зоналар дирекцияларини тадбиркорлик субъектларининг ишончли бошқарувига, шу жумладан, хорижий компанияларга топшириш орқали такомиллаштириш.

21. Адлия вазирлиги, Инвестициялар ва ташқи савдо вазирлиги "Навоий" ЭИЗ дирекцияси" АЖ ва бошқа манфаатдор вазирлик ва идоралар билан биргаликда хорижий эксперtlарни жалб қилган ҳолда икки ой муддатда "Навоий" ЭИЗ" худудида иш юритища инглиз тилидан фойдаланиб, инглиз стандартлари, тамоиллари ва нормалари асосида "Навоий" ЭИЗ" иштирокчилари ўртасидаги муносабатларни тартибга солишини назарда тутувчи алоҳида хукуқий режим ўрнатиш бўйича таклифлар киритсин.

22. Олий ва ўрта маҳсус таълим вазирлиги икки ой муддатда Навоий вилоятида саноат, инжинииринг, технологиялар ва ИТ дастурлашнинг устувор йўналишлари бўйича юкори малакали кадрлар тайёрлашга ихтисослаштирилган хорижий олий ўқув юрти филиалини ташкил қилиш бўйича Ўзбекистон Республикаси Вазирлар Маҳкамасига таклифлар киритсин.

23. Инвестициялар ва ташқи савдо вазирлиги Ташқи иқтисодий фаолият миллий банки, "Ўзсаноатқурилишбанк" АТБ ва Ўзбекистон Республикасининг бошқа тижорат банклари билан биргаликда икки ой муддатда "Навоий" ЭИЗ худудида амалга ошириладиган инвестиция лойиҳаларини молиялаштириш учун халқаро молия институтлари ва хорижий ҳукумат молия ташкилотларининг 1 миллиард АҚШ долларидан кам бўлмаган ҳажмдаги кредит линияларини босқичма-босқич жалб қилиш бўйича Вазирлар Маҳкамасига таклифлар киритсин.

24. Ўзбекистон Республикаси Президентининг айrim ҳужжатларига З-иловага мувофиқ ўзгартириш ва қўшимчалар киритилсин.

25. Инвестициялар ва ташқи савдо вазирлиги бир ой муддатда қонун ҳужжатларига мазкур Фармондан келиб чиқадиган ўзгартишлар ва қўшимчалар тўғрисида Ўзбекистон Республикаси Вазирлар Маҳкамасига таклифлар киритсин.

26. Мазкур Фармоннинг ижросини назорат қилиш Ўзбекистон Республикасининг  
Бош вазири А.Н. Арипов ва Ўзбекистон Республикаси Бош вазирининг ўринбосари Э.М.  
Ганиев зиммасига юклансин.

**Ўзбекистон Республикаси Президенти**

**Ш. Мирзиёев**

**Ўзбекистон Республикаси  
Президентининг  
2019 йил 15 майдаги  
ПФ-5719-сон Фармонига  
1-ИЛОВА**

**Навоий вилояти ҳудудида инновацион, юқори  
технологияларга асосланган, экспортга йўналтирилган  
ва импорт ўрнини босадиган ишлаб чиқаришлар учун  
эркин иқтисодий зона ташкил этиш бўйича комиссия  
ТАРКИБИ**

- Э.М. Ганиев - Ўзбекистон Республикаси Бош вазири ўринбосари, *Комиссия  
раиси*
- Ж.А. Кўчқоров - Ўзбекистон Республикаси Бош вазири ўринбосари - молия  
вазири
- К.Б. Турсунов - Навоий вилояти ҳокими
- С.Х. Бекенов - Ўзбекистон Республикаси инвестициялар ва ташки савдо  
вазирининг биринчи ўринбосари
- Р.А. Гулямов - Ўзбекистон Республикаси иқтисодиёт ва саноат вазирининг  
биринчи ўринбосари
- Д.Ш. Султонов - Ўзбекистон Республикаси молия вазирининг ўринбосари
- М.М. Мирзаев - Ўзбекистон Республикаси Давлат солиқ қўмитаси раисининг  
биринчи ўринбосари

- А.Д. Асамов - Ўзбекистон Республикаси Давлат божхона қўмитаси раисининг биринчи ўринbosари
- УМ. Исломов - Навоий вилояти ҳокимининг инвестициялар, инновациялар, саноатни, туризмни ривожлантириш ва хусусийлаштирилган корхоналарга кўмаклашиш масалалари бўйича ўринbosари,  
*Комиссия котиби*

**Изоҳ:** Комиссия аъзолари бошқа ишга ўтган тақдирда, унинг таркибига уйбу лавозимларга янги тайинланган ёки зиммасига тегишили функцияларни бажарии юкланган шахслар киритилади.

Ўзбекистон Республикаси  
Президентининг  
2019 йил 15 майдаги  
ПФ-5719-сон Фармонига  
2-ИЛОВА

**"Навоий" ЭИЗНИНГ ИШЛАБ ЧИҚАРИШ,  
МУҲАНДИСЛИК-КОММУНИКАЦИЯ ВА ТРАНСПОРТ  
ИНФРАТУЗИЛМАСИНИ РИВОЖЛАНТИРИШ БЎЙЧА  
ЧОРА-ТАДБИРЛАР РЕЖАСИ**

Т/ р	Муҳандислик- коммуникация ёки ишлаб чиқариш инфратузилмаси турни	Эҳтиё ж	Қийма т (млн. сўм)*	Ижро муддати	Молиялаштириш манбалари	Масъул ижрочилар
<b>ЎЗБЕКИСТОН РЕСПУБЛИКАСИ ПРЕЗИДЕНТИНИНГ 2018 ЙИЛ 5 ИЮНДАГИ "НАВОИЙ" ЭРКИН ИҚТИСОДИЙ ЗОНАСИ ФАОЛИЯТИНИ ҚЕНГАЙТИРИШ ВА НАВОИЙ ВИЛОЯТИДА КИЧИК САНОАТ ЗОНАЛАРИНИ ТАШКИЛ ЭТИШ ЧОРА-ТАДБИРЛАРИ ТҮҒРИСИДА" ГИ ПҚ-3774-СОН ҚАРОРИГА МУВОФИҚ ЭИЗ ТАРКИБИГА КИРИТИЛГАН ОБЪЕКТЛАР</b>						
1.	Ички муҳандислик коммуникациялари (ичимлик суви)	8,5 км	1 500,0	2019 йил августгач а	Сув таъминоти ва канализация тизимларини ривожлантириш жамғармаси	Уй-жой коммунал хизмат кўрсатиши вазирлиги

2.	Ички муҳандислик коммуникациялари (канализация)	8,5 км	2 300,0	2019 йил августгача	Сув таъминоти ва канализация тизимларини ривожлантириш жамғармаси	Уй-жой коммунал хизмат кўрсатиши вазирлиги
3.	Ички муҳандислик коммуникациялари (табиий газ)	3,7 км	2 330,0	2019 йил августгача	Маҳаллий бюджет маблағлари	Энергетика вазирлиги
4.	Ички муҳандислик коммуникациялари (электр энергияси)	6,8 км, 18 ТП	20 130,0	2020 йил марта	Маҳаллий бюджет маблағлари	Энергетика вазирлиги
5.	Ички автойўллар қопламаларини таъмирлаш	4500 кв.м	1 125,0	2020 йил ноябргача	Маҳаллий бюджет маблағлари	Навоий вилояти ҳокимлиги

### КАРМАНА ТУМАНИ ҲУДУДИДА

1.	Ички автойўллар қуриш	17,5 км	35 000,0 гача	2019 йил декабргача	2019 йилга мўлжалланган Инвестиция дастури доирасида	Навоий вилояти ҳокимлиги
----	-----------------------	---------	---------------------	---------------------	--	--------------------------

### МОДДИЙ-ТЕХНИК БАЗАНИ МУСТАҲКАМЛАШ БЎЙИЧА КОМПЛЕКС ЧОРА-ТАДБИРЛАР

1.	Моддий-техник базани мустаҳкамлаш		3 000,0	2019 йил июнгача	Маҳаллий бюджет маблағлари	Навоий вилояти ҳокимлиги
2.	IT-кластер учун ишлаб чиқариш биносини капитал таъмирлаш	5000 кв.м	1 500,0	2019 йил декабргача	Ўз маблағлари ва маҳаллий бюджет маблағлари	"Навоий" ЭИЗ дирекцияси, Навоий вилояти ҳокимлиги
3.	Худудни кўкаlamзорлаштириши ва обод қилиш		170,0	2019 йил сентябрга ча	Маҳаллий бюджет маблағлари	Навоий вилояти ҳокимлиги
4.	"Навоий" ЭИЗ дирекцияси" АЖ маъмурӣ биносини таъмирлаш		680,0	2019 йил июнгача	Ўз маблағлари	"Навоий" ЭИЗ дирекцияси
<b>Жами ҳаражатлар:</b>			<b>67 735,0</b>			

**\*) Изоҳ:** Лойиҳаларнинг якуний параметрлари лойиҳаларнинг лойиҳа-смета ҳужжатларини тасдиқлаш ва белгиланган тартибда тендер савдолари ўтказилиши натижалари бўйича аниқлаштирилиши лозим.

Ўзбекистон Республикаси  
Президентининг  
2019 йил 15 майдаги  
ПФ-5719-сон Фармонига  
3-ИЛОВА

**Ўзбекистон Республикаси Президентининг  
айрим хужжатларига киритилаётган  
ўзгартириш ва қўшимчалар**

1. Ўзбекистон Республикаси Президентининг 2016 йил 26 октябрдаги "Эркин иқтисодий зоналар фаолиятини фаоллаштириш ва кенгайтиришга доир қўшимча чора-тадбирлар тўғрисида"ги ПФ-4853-сон Фармонининг 3-бандида:

а) учинчи хатбоши қуйидаги таҳрирда баён этилсин:

"бўшаб қоладиган маблағларни янги корхоналарни ташкил этиш, шунингдек, мавжуд ишлаб чиқаришларни модернизациялаш, реконструкция қилиш ва техник, технологик қайта жиҳозлаш, кенгайтириш, ишлаб чиқариш биноларини қуриш, ўз ишлаб чиқариш эҳтиёжлари учун зарур хом ашё ва материаллар харид қилишга мақсадли йўналтирган ҳолда ўз ишлаб чиқариш эҳтиёжлари учун олиб кириладиган ускуналар, хом ашё, материаллар ҳамда бутловчи буюмларни, маҳсулот экспорт қилинганда вужудга келадиган қўшилган қиймат солигининг манфий суммаси қайтарилмаслиги ҳуқуқи билан божхона тўловларидан (божхона расмийлаштируви йифимларидан ташқари)";

б) тўртинчи хатбошидаги "Ўзбекистон Республикаси Вазирлар Маҳкамаси томонидан тасдиқланадиган рўйхатлар бўйича" сўzlари "Ўзбекистон Республикаси Иқтисодиёт ва саноат вазирлиги хузуридаги "Лойиҳалар ва импорт контрактларини комплекс экспертиза қилиш маркази" ДУКнинг товарлар рўйхатини комплекс экспертиза қилиш натижалари бўйича ижобий хulosаси бўлган тақдирда" сўzlари билан алмаштирилсин.

2. Ўзбекистон Республикаси Президентининг 2018 йил 21 декабрдаги "Эркин иқтисодий зоналар фаолиятини мувофиқлаштириш ва бошқариш тизимини янада такомиллаштириш чора-тадбирлари тўғрисида" ПФ-5600-сон Фармони 1-банди учинчи хатбоши ўз кучини йўқотган деб ҳисоблансин.

Қонун хужжатлари маълумотлари миллий базаси ([www.lex.uz](http://www.lex.uz)),  
2019 йил 16 май

"Халқ сўзи", 2019 йил 16 май

"Ўзбекистон Республикаси қонун хужжатлари тўплами",  
2019 йил 20 май, 20-сон, 370-модда

